

# Item oberer vmdain vnderer schnit

4



## Item wann sie zusammen

Wann sie zusammen  
stund mit gleichen fuoßen außrecht vnd halt dein Sichel in deiner rechten hand wol in der hoch mit  
gestraektem arm hinter deinem Haupt dein lincke auf deiner linken hüff in dem tritt mit deinem rech-  
ten schenckel hin ein vnd schneid in mit deiner Sichel nach seinem haupt Schneid er dir also oben zu  
vnd du mit deinem rechten fuoß gögen in steest vnd hest dein Sichel in deiner rechten hand neben dein-  
nem für gesetzten schenckel dein lincke auf deiner linken hüff so get auß mit deiner sichel nimb in damit sei-  
nen schnit hin weck auß dein rechte seiten in dem volg mit deinem linken schenckel hin nach vnd schneid in  
nach seinem rechten für gesetzten schenckel Schneid er dir also vnder zu so greiff in mit deiner linken  
hand auß swendig in seinen rechten Schynogen zeuch in damit zu dir vnd mit deiner Sichel setz in  
an sein rechte hofel schneid in damit zu erden